

Ilanngussaqq A



INATSISARTUT

Aningaasaqarnermut Naalakkersuisoq

Ulloq: 31. august 2020
J.nr.: 01.31.11-00020

Naalakkersuisut 2021-mut aningaasanut inatsisissatut siunnersuutaat.

2021-mut aningaasanut inatsisissatut siunnersuut Aningaasaqarnermut Akileraartarnermullu Ataatsimiititaliap misissorpaa.


2021-mut aningaasanut inatsisissatut siunnersuummut Aningaasaqarnermut Akileraartarnermullu Ataatsimiititaliap aallarniutaasumik apeqqutai oqaaseqaataalu matumuuna nassiunneqarput. Apeqqutinut pingaarnertut tungaviuvoq Aningaasaqarnermut Akileraartarnermullu Ataatsimiititaliap Uummannami 2020-mi aggustimi ulluni sisamani missingersuutit pillugit isumasioqatigiinnermini aningaasanut inatsisissatut siunnersuummik ataatsimoor-tumik sukumiisumik misissuina.

Naak misissuinini sukumiilluinnartumik ingerlakkaluarlugu Naalakkersuisut inatsisissatut siunnersuutaata maannatut isikkoqartiluni ataatsimiititaliamit maannangaaq akuersaar-neqarsinnaangitsumik annertussuseqartumik amigartoorfiusussaanerata qitiutinissaa ataatsimiititaliamit toqqarneqarallarpoq. Pissutsit maannatut itsillugit ukiup tullianut ukiunullu missingersuusiorfiusunut aningaasanut inatsisissatut siunnersuut tamakkiisumik aningaasalersugaappat akisussaassuseqarnerpaassasoq ataatsimiititaliaq isumaqarpoq. Ataatsimiititaliap isumaa malillugu tamatumani pisariaqassaaq sipaaruteqarnissamik siunnersuutunik pisariaqartunik saqqummiussinissaq, tamannami aningaasanut inatsisissatut siunnersuummik ataatsimiititaliap suliaqarnerata ingerlaqqinnissaani pisariaqarlunnartutut ataatsimiititaliamit isigineqarmat. COVID-19-ip kingunerisaanik siumut naatsorsuutigeriingisanik aningaasartuteqarnerup aningaasalersorneqarnissaanut atatillugu karsimik misissuinermit misillittakkat takutippaat amigartooruteqarnissamik missingersuuteqarnermut matussutissatut aningaasalersuutissanik pisariaqartunik Naalakkersuisut nassaarsinnaasi-masut.

Taamaattumik sipaarutissatut siunnersuutunik tigussaanagerusunik, aningaasat ukiuanni 2021-mi kiisalu tamatuma kingorna ukiuni missingersuusiorfiusuni aningaasanut inatsisip oqimaaqatigiinnissaanik imaluunniit sinneqartoorfiunissaanik qulakkeerinnissinnaasunik, Naalakkersuisunit nassinneqarnissani ataatsimiititaliap kissaatigaa. Naalakkersuisut inatsisissatut siunnersuutaat iluarsisaq ataatsimiititaliamut nassiunneqareerpat ataatsimiititaliap sulinini nangissavaa. Aningaasanut inatsit pillugu Naalakkersuisunik qanimut suleqateqar-nissaq sulinermilu peqataanissaq ataatsimiititaliamit qilanaarineqarlunilu piareersimaf-figineqarpoq.

Kiisalu COVID-19-imut tunngatillugu iliuseqaqqinnissami Naalakkersuisut periusissamik suliaqarnissaat ataatsimiititaliamit piumasaqaatigineqarpoq.

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua

Ilanngussaqq B



Inatsisartut Aningaasaqarnermut Akileraartarnermullu Ataatsimiititaliaat

**Aningaasaqarnermut Akileraartarnermullu Ataatsimiititaliaat agguṣṣip 31-ani
2020-imeersumut allagaqaataanut akissut**

Brevdato: 01-09-2020
Sags nr. 2020 - 8155
Akt id. 14720914

Agguṣṣtip 31-iani 2020-imeersumut allakkamut qujanaq.

P. O. Box 1037
3900 Nuuk

Aningaasarsiornikkut annertuumik akisussaasseqarnissaq pillugu ataatsimiititaliaat ersarissuliornera nuannaarutigaa. Immikkut illuinnartumik matumani pisoqarnerani nunatta karsiata aningaasartuutini matussutissaasunik nassaartoqarsimatinnagu nammakker-sorneqarnissaa pingaartinneqarmat Naalakkersuisut isumaqatigaat.

Tel. (+299) 34 50 00
Fax (+299) 34 63 50
E-mail: oed@nanoc.gl
www.naalakkersuisut.gl

Aningaasanut inatsit pillugu isumaqatigiissusiornissamik 2021-mullu aningaasanut inatsisissatut siunnersuutip akuerineqarnissaanik suliniuteqarnissamut ataatsimiititaliamik pitsaasumik suleqatiginninnissaq Naalakkersuisut qilanaaraat. Ukiut tamaasa pisartut assigalugit aappassaaneerinninnermut pingajussaanerinninnermullu assigilngitsunik allannguutissatut siunnersuuteqartoqartassaaq. Tassunga atatillugu ataatsimiititaliaq Naalakkersuisullu aappassaanerinninnissap pingajussaanerinninnissaallu tungaanut ikorfartoqatigiillutik ingerlaqatigiittariaqarput, soorlu aamma politikkikkut partiit pingaarutillimmik inissisimassallutik.

Naalakkersuisut 2021-mut aningaasanut inatsisissatut siunnersuutaanni saqqummiunneqartumi ukiunut sisamanut 174,9 mio. kr.-inik ingerlatsinermut sanaartornermullu kontuni amigartoortoqartussatut inissisimavoq. Aningaasanut inatsimmi oqimaqatigiisitsisoqassappat aningaasanut inatsisissatut siunnersuummi saqqummiunneqareersuniit annertunerunerusumik sipaaruteqarnissaq pisariaqarpoq. Tamanna suliassanik tamar-miusunik pitsaanngitsumik sunniuteqalersitsisussaq taamaallaat politikkikkut ersaris-sumik pingaarnersiunikkut pisinnaavoq. Saniatigut sipaarutaasinnaasut suut piviusunngortinneqarsinnaanersut ataatsimiititaliaat eqqarsaataanik Naalakkersuisut tusagaqarusupput.

Sipaarniutaasinnaasunik amerlanerusunik ersarissaalluni ataatsimiititaliaat tikkuussinis-saanut pitsaasumik oqaloqatigiittoqarnissaa Naalakkersuisut qilanaaraat. Inuiaqatigiit suli ineriartortuarnissaannut toqqammaviit innarlernagit sipaarniartoqarsinnaanera Naalak-kersuisut neriuutigaat.

Inussiarnersumik inuulluaqqusillunga


Vittus Qujaukitsog

Ilanngussaqq C



INATSISARTUT

Aningaasaqarnermut Naalakkersuisoq

Ulloq: 15. september 2020

J.nr.: 01.31.11-00020

Naalakkersuisut 2021-mi aningaasanut inatsisissatut siunnersuutaat.

Ataatsimiititaliap 31. august allagaanut siullermut Naalakkersuisut akissutaat Aningaasaqarnermut Akileraartarnermillu Ataatsimiititaliamit qujassutigineqarpoq. Aningaasanut inatsisissatut siunnersuut pillugu anguniagaqarfiusumik suleqatigiinnissaq Naalakkersuisunit qilanaarinqartoq ataatsimiititaliamit maluginiarneqarpoq. Naalakkersuisulli tamatuminnga oqaatiginninnerminnit annertunerusumik saqqummiussinissaat ataatsimiititaliamit naatsorsuutigineqarsimagaluarpoq. Aningaasat ukiuanni 2021-imi 183,2 mio. kr.-inik amigartooruteqarnissaq sulinissami aallaavigissallugu akuersaarneqarsinnaanngitsoq ataatsimiititaliamit aalajangiusimaneqarpoq. Taamaattumillu tamanna pillugu isummerfissamik tigussaannerusumik Naalakkersuisut akissutaat imaqaasasooq ataatsimiititaliamit naatsorsuutigineqarsimagaluarpoq. Taamaattumillu AIS2021-mut allannguutissatut siunnersuutaasinnaasut Naalakkersuisunit erseqqinnerusumilluunniit taaneqannginnerat ataatsimiititaliamit paasiuminaatsineqarpoq.

Amigartooruteqarnissamik missingersuuteqarneq Naalakkersuisunit isummerfiginiarneqarnerooq taamaappallu qanoq isummerfigineqarnerooq Naalakkersuisut aningaasanut inatsisissatut siunnersuutaannik misissuinermini ataatsimiititaliap takusinnaasimanngilaa. Aningaasanut inatsisissatut siunnersuummut nassuiaatini iluaqutissat tigussaasut annikitsuinaammata allakkamini siullerni piumasaqaatini ataatsimiititaliap aalajangiusimavaa, tamatumanimi sipaarutissatut siunnersuutinik tigussaannerusunik Naalakkersuisunit nassinneqarnissami ataatsimiititaliap kissaatigimmagu.

Naalakkersuisut ataatsimiititaliallu marloriaammik sulisariaqarnissaat pinngitsoortikkumallugu tamanna pillugu Naalakkersuisut piaartumik saqqummiussinissaat pisariaqarluinnartutut ataatsimiititaliamit isigineqarpoq. Aningaasanut inatsimmik suliaqarnerup ukiumut siuliinut sanilliulluni kinguartoorfiorenera ataatsimiititaliamit eqqaasitsissutigineqassaaq aammalu siuarsarneqarnissaa pisariaqarluinnarluni.

Karsimik misissuinermit misilittakkat ukioq manna amigartoorutissatut missingersuutigineqartut aningaasalersuutissaannik Naalakkersuisut nassaarsinnaasimanerannik takutitsisut allakkamini siullermi ataatsimiititaliap innersuussutigai.

Tassunga atatillugu ungasissoq isigalugu aningaasaqarnerup attanneqarsinnaanerata tutsuiginartuunissaanik pilersitsinissami karsimik misissuineq iliuitsitut pingaarutilittut Naalakkersuisunit isigineqarpoq. Siunissami assinganik iliornissaq pisariaqarsinnaasooq Naalakkersuisunit oqaatigineqarpoq. Taarsigassarsinissaq sioqqullugu Namminersorlutik Oqartussat sipaaruteqarsinnaanerminnik oqariartuuteqarsinnaanerata taarsigassarsiffissanut aalajangiisusussatut Naalakkersuisunit nalilerneqarpoq. Tamanna aningaasaqarnikkut akisussaassuseqartumik ingerlatsinikkut ukiumi tulluuttuni taarsigassarsianik Namminersorlutik Oqartussat akilersuisinnaassuseqarnerannik oqariartorerussasooq Naalakkersuisut isumaqarput.

Pisariaqartunik sipaaruteqarnissamut Namminersorlutik Oqartussat piumassuseqarlutillu sapinnginnerannik Naalakkersuisut maannangaaq avammut takutitsinissaannut piffissanngortoq ataatsimiititaliaq isumaqarpoq.

Naalakkersuisut aningaasanut inatsisissatut siunnersuutaat iluarsisaq ataatsimiititaliamut nassiunneqareerpat ataatsimiititaliap sulinini nangissavaa. Aningaasanut inatsisissaq pillugu Naalakkersuisunik qanimut suleqateqarnissaq ataatsimiititaliamit sulii qilanaarinqarpoq sulinermilu angusaqarusussuseqarluni peqataanissamut ataatsimiititaliaq piareersimavoq.

Kiisalu COVID-19-imut tunngatillugu iliuuseqaqqinnissami Naalakkersuisut periusissamik suliaqarnissaannik piumasaqaatini ataatsimiititaliap uteqqissavaa.

Inussiarnersumik inuulluaqqusillunga

Hermann Berthelsen

Aningaasaqarnermut Akileraartarnermullu Ataatsimiititaliap siulittaasua

Ilanngussaqq D



Aningaasaqarnermut Akileraartarnermullu Ataatsimiititaliaq

Pineqartoq: Aningaasaqarnermut Akileraartarnermullu Ataatsimiititaliap ulloq 16. september 2020-mi allagaa

Aningaasaqarnermut Akileraartarnermullu Ataatsimiititaliap allaffeqarfinni aqputigalugu suliami killiffimmik nalunaaruteqarnissaq siunertaralugu, allagaaq siuliani taaneqartoq eqqaasitsissutigaa.

2021-mut aningaasanut inatsit pillugu isumaqatigiissuteqarnissaq siunertaralugu, partiinik oqaloqatiginninnerit aallartinneqarnerat Naalakkersuisut paasissutissiissutigissavaat. Aningaasanut inatsisissatut siunnersuutip pingajussaaneerneqarnissaanut allannguutissatut siunnersuutit naapertuuttunik saqqummiussinissaq siunnerfigineqarpoq.

Taamattaq Naalakkersuisut aappassaaneerinninnermut atatillugu allannguutissatut siunnersuutit saqqummiussinissaq naatsorsuutigaat, taakkuli teknikimut attuumassuteqartunik allannguutissatut siunnersuutaanerussapput.

Piffissami 2021 – 2024 oqimaaqatigiitsisinissaq siunertaralugu politikikkut oqaloqatiginnerni taaneqartuni sinaakkutit qaangerlugit Naalakkersuisut allannguutissatut siunnersuutit saqqummiussinianiingillat, tamatumalu saniatigut ataatsimiititaliap ulloq 16. september 2020-mi allagaa tusaatissatut tiguneqarpoq.

Aningaasaqarnermut Ataatsimiititaliap Inatsisartut Suleriaasianni § 14, imm. 1 naapertorlugu 2021-mut aningaasanut inatsisissatut siunnersuut inatsisartunut saqqummiunneqartoq nalinginnaasumik suliarissagaa Naalakkersuisut naatsorsuutigaat, ataatsimiititaliallu apeqputigiumaagai il.il. utaqqineqarput.

Tassungalu atatillugu ulloq 2. september 2020-mi ataatsimiititaliamut allagaaq, ataatsimiititaliamut maluginiaqquneqarpoq, tassenilu ilaatigut ima allassimasoqarpoq:

"Naalakkersuisut 2021-mut aningaasanut inatsisissatut siunnersuutaanni saqqummiunneqartumi piffissamut ukiunut sisamanut 174,9 mio. kr.-nik ingerlatsinermut sanaartornermullu kontuni amigartoortoqartussaavoq. Aningaasanut inatsimmi oqimaaqatigiissitsisoqassappat taamaalliluni annertoorujussuarnik sipaaruteqarnissaq pisariaqarpoq. Tamanna suliassanik tamarmiusunik pitsaanngitsumik sunniuteqalersitsisussaq taamaallaat politikikkut ersarissumik pingaarnersiutinikkut pisinnaavoq. Saniatigut sipaarutaasinnaasut suut piviusunngortinneqarsinnaanersut ataatsimiititaliap eqqarsaataanik Naalakkersuisut tusagaqarusupput.

Brevdato: 16-10-2020
Sags nr. 2020 - 6155
Akt id. 15114228

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Taamaattumik ataatsimilitaliap annertuunik sipaarutissanik erseqqissaaqataaneratiqut kinguneqartussamik suliamik ingerlatsinissamut Naalakkersuisut qilanaarput. Sipaarutiit Naalakkersuisut isumaat malillugu inuiaqatigiit ineriartorteqqinnissaannut tunngavimmut namminermut sunniuteqassanngilaq."

Naalakkersuisut tassunga atatillugu Aningaasaqarnermut Siunnersuisooqatigiit kingullermik nalunaarusiaat ukiaq 2020-meersoq inussiarnersumik innersuussutigissavaat. Tassani amigartooruteqarfiusumik missingersuusiorneq pillugu ilaatigut ima allapput:

"Coronamik ajornartorsiornerup Nunatta Karsia ajortumik sunnerpaa. Naallu aningaasanut inatsisissatut siunnersuummi pisortat aningaasaqarneranni agguaqatigiissillugu oqimaaqatigiittoqarnissaanik sinneqartoortoqarnissaanilluunnit piumasaqarneq eqqortinneqanngikkaluartoq tunngaviup tamatuma ajornartoornermi saneqqunnissaanut tunngavissaqarluarpoq. Taamaaliornikkut aningaasaqameq tapersersussallugu periarfissaqarpoq, aningaasaqarnikkullu politikeqarneq sukangannginnerusoq ingerlallugu."

Inussiarnersumik inuulluaqqusillunga


Vittus Qujaukitsoq

Ilanngussaq E



Aningaasaqarnermut Naalakkersuisoq

Ulloq: 3. november 2020

J.nr.: 01.31.11-00020

Naalakkersuisut 2021-mi aningaasanut inatsisissatut siunnersuutaat.

Ataatsimiititaliap 16. august allagaanut siullermut Naalakkersuisut akissutaat Aningaasaqarnermut Akileraartarnermullu Ataatsimiititaliamit qujassutigineqarpoq. Naalakkersuisut akissutaat siullermik akissutaannik uteqqiinerusoq ataatsimiititaliamit oqaatigineqassaaq. Naalakkersuisut siunnersuutaanni allassimasutut amerlatigisunik amigartooruteqarnissaq suli-nermi aallaavigissallugu akuersaarnanngitsutut isigineqartoq ataatsimiititaliamit aalajangiusimaneqarpoq. Amigartoorutissat taama amerlatigisut ikilineqarnissaannut periarfissanik misissuinerminni Naalakkersuisut ingerlariaqqilaarsimanissaat ataatsimiititaliamit neriuutigineqaraluarpoq.

Amigartooruteqarnissamik missingersuuteqarneq Naalakkersuisunit isummerfiginiarneqarner-soq taamaappallu qanoq isummerfigineqarner-soq Naalakkersuisut aningaasanut inatsisissatut siunnersuutaannik misissuinermini ataatsimiititaliap takusinnaasimanngilaa. Aningaasanut inatsisissatut siunnersuummut nassuiaatini iluaqutissat tigussaasut annikitsuinaammata allakkamini siullerni piumasaqaatini ataatsimiititaliap aalajangiusimavaa, tamatumanimi sipaarutissatut siunnersuutinik tigussaanagerusunik Naalakkersuisunit nassinneqarnissani ataatsimiititaliap kissaatigimmagu.

Pissutsit imaannaannginnerat aningaasanut inatsisissatut siunnersuutip aappassaaneer-neqarnissaanut Naalakkersuisut allannguutissatut siunnersuutaasigut allanngortinneqanngitsoq ataatsimiititaliamit maluginiarneqarpoq. Siuliani allassimasut pillugit Naalakkersuisut siunnersuuteqarnissaat ataatsimiititaliamit aammaarluni qinnutigineqassaaq.

Inussiarnersumik inuulluaqqusillunga

Hermann Berthelsen

Aningaasaqarnermut Akileraartarnermullu Ataatsimiititaliap siulittaasua

Ilanngussaq F



INATSIARTUT

**Aningaasaqarnermut Naalakkersuisoq
/Maani**

Ulloq: 7. november 2020

J.nr.: 01.31.11-00020

**Aningaasaqarnermut Akileraartarnermullu Ataatsimiititaliamit sapaammi ulloq 8.
november 2020, nal. 15.00-16.00 ataatsimiittarfik Erling Høeghimi
siunersiorneqarnissamut aggeqqusissut.**

Inatsisartut suleriaasianni § 19 naapertorlugu aningaasanut inatsisissamik suliaqarnerup ingerlaqqinnissaa pillugu siunersiorneqarnissamut Aningaasaqarnermut Naalakkersuisoq Aningaasaqarnermut Akileraartarnermullu Ataatsimiititaliamit matumuuna aggersarneqarpoq.

Aningaasaqarnermut Ataatsimiititaliap oqaaseqaatai apeqqutaalu:

Aningaasanut inatsisissatut siunnersuummi amigartooruteqarnissamik missingersuuteqameq pingaarnertut qulequtaralugu allakkanik pingasunik ataatsimiititaliap Naalakkersuisunut nasuussivoq. Ulloq 3. november, 15. september aammalu 31. august allakkani ataatsimiititaliap innersuussutigissavai. Ataatsimiititaliap allakkat marluk akissutisiffigai kingullermulli akineqarani.

Allakkat pingasut pineqartut imarisaat aammalu Naalakkersuisut allakkanut marlunnut siulernut akissutaat kiisalu allakkat pingajuannut Naalakkersuisut suli akissuteqannginnerat innersuussutigalugit aqagu siunersiuinermit allakkat pingajuannut Naalakkersuisut akissuteqarnissaat ataatsimiititaliamit kissaatigineqarpoq.

Amigartooruteqarnissamik missingersuuteqarneq aammalu sipaaruteqarnikkut aningaasanut inatsisip oqimaaqatigiiffiusup anguneqarnissaa allakkani pingasuni pineqartuni ataatsimiititaliamit qitiutinneqarpoq. Isumaliutissiissutimi naammassinissaanut ataatsimiititaliap piffisakitsuarsuuvog, taamaattumillu aningaasanut inatsimmik suliaqarnermit naammassinissaa siunertaralugu sulinini isumatusaaqqissaarluni ingerlattariaqarlugu. Taamaattumillu tamanna pillugu Naalakkersuisut oqariartuuteqarnissaat ataatsimiititaliamit kissaatigineqarpoq.

Allakkani nassiumneqartuni ataatsimiititaliap kissaataasa ersarissut imarisaat Naalakkersuisunit naammassineqalersaarpat, tassa ilaatigut sipaarutissatut siunnersuutitik assigisaannillu Naalakkersuisut saqqummiussilersaarpat?


Siunersiuinermit malitseqartitsissutitik apeqquteqartoqarnissaa naatsorsuutigineqassaaq.

Ataatsimiititaliap Naalakkersuisumik siunersiuinerata Naalakkersuisup ataatsimiititaliallu akornanni pingaarnersiuilluni tulleriiaarinerit anguniakkallu pillugit naalakkersiuinermit tunngasumik oqaloqatigiinnertut sapinngisamik iluseqartinneqartarnissaa ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalakkersuisumik siunersiuineranut atatillugu pissarsinneqarnissani ataatsimii-

titaliap kissaatigaa. Allakkiap kingusinnerpaamik ataatsimiititaliap Naalakkersuisumik siunersuinerata kinguninngua uunga nassiunneqarnissaa qinnutigineqarpoq: saam@ina.gl. Allakkiap ataatsimiititaliap Naalakkersuisumik siunersuineranut nassarneqarpat atorneqarpallu taassuma nuutinnera ataatsimiititaliap Naalakkersuisumik siunersuinerata aallartinernerani ataatsimiititaliap oqalutnaanut ataatsimiititaliallu allattaanut tunniuteqquneqarpoq.

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua

Ilanngussaqq G



Allakkiag

Ulloq 8. november 2020 Aningaasaqarnermut Akileraartarnermullu Ataatsimiittitaliamik siunersueqatigiinnissamut allakkiag

Brevdato: 08-11-2020
Sags nr. 2020 - 6155
Akt id. 15312298

Ataatsimiittitaliaq arfininngornermi ulloq 7. november 2020 allagaqarluni sapaammi ulloq 8. november nat. 15 siunersueqatigiinnissamik qinnuteqarpoq. Siunersueqatigiinneq maanna aningaasanut inatsimmik suliaqarnermik oqalliseqatigiinnissamik siunertaqarpoq.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Suinersueqatigiinnermi ataatsimiittitaliap ulloq 3. november 2020 allagaanik immikkut tunuliaqutaqassasoq paasinarpoq. Naalakkersuisut qanoq ataatsimiittitaliap 2021-mut aningaasanut inatsisip ukiuni missingersuusiorfiusuni sisamani 2021-mit 2024-mut minnerpaamik oqimaaqatigiinnissaanik kissaataanut iliuseqalersaarnerisa oqaatigineqarnissaa ataatsimiittitaliap kissaatigigaa allakkami atuarneqarsinnaavoq. Naluneqanngitsut aningaasanut inatsisissatut siunnersuut siullermeerinninnermi taamaallaat piffissami 2022-mit 2024-mut oqimaaqatigiippoq, kiisalu 2021-mi ingerlatsinermi sanaartormilu 183,2 mio. kr.-nik amigartoorfiussalluni.

2020-mi upernaap qaammataani akileraarutinut A-nut ingerlaavartumik akiliutit minnerunngitsumik Kommuneqarfik Sermersuumit ukiut siuliinut sanilliullugu nikikkartuilerput. Tamanna Coronap tunillaassuunneranik, maltsigisaanillu aningaasarsiornerup kinguariatulerneranik tunuliaqutaqarpoq. Tamanna tunuliaqutaralugu 2021-mut aningaasanut inatsisissatut siunnersuummi isertitassatut naatsorsuutigisat appartinneqarnissaat pisariaqartutut Naalakkersuisut nalilerpaat. Soorlu assersuutigalugu 2021-mut aningaasanut inatsisissatut siunnersuummi konto pingaarneq 24.10.10-mi takuneqarsinnaasutut, 2021-mi nuna tamakkerlugu akileraarutinut isertitassatut missingiutit 2020-mut sanilliullugit 7 procentinik apparneqarput. Taanna kisimiifluni 79 mio. kr.-nik naleqarpoq. Ukiunut tullernut Coronap nunarsuaq tamakkerlugu atuunnerata aningaasarsiornermut sunniutaasa annikillartornissaat ilimagalugu, appaaneq annikinneruvoq. Akileraarutinullu akitsuutinullu allanut tunngatillugu taamaaliomerup assinganik isertitassat appariumaarnerat missingersuusiuunneqarpoq.

Taamaalilluni 2021-mi amigartoomeq annertuumik Coronap tunillaassuunnara pissutigalugu 2021-mi akileraarutinut akitsuutinullu isertitassatut missingiunneqartut *appartikkallarneqarnerannik* patsiseqarneranik ataatsimiittitaliamut erseqqissaatiginissaa pingaartuuvooq.

2020-mi upernaakkut Coronap tunillaassuunnara tunuliaqutaralugu Naalakkersuisut karsimik misissueqqissaarput. Taamaaliorneq Ingammik Nunatta Karsiata uninngasuutaanut pituttuinerneq annikillisaanissamik siunertaqarpoq, taamaaliornikkut ikiorsiissutinut assigiinngitsunut aningaasatigut iliuseqartoqarsinnaaqqullugu. Tamatuma saniatigut karsimik misissueqqissaarneq suliniutinut aningaasaliissutit

Corona pissutigalugu ingerlanneqarsinnaanngitsut Nunatta Karsianut utertinneqarnissaannik qulakkeerinninnissamik siunertaqarpoq, taamaalliluni aningaasaliissutit taakku sulniutinut ingammik sanaartorerup iluani suliffissaqartitsinermik aalaakkaasuutitsisinnaasumut pingaarnersioqqinneqarsinnaaqqullugit. Aningaasaliissutinik appaanerit arlalit pisinnaaffiini AIS2021-mi tamakkiisumik ilaannakortumilluunniit attatiinnarneqarput.

Taamaalliluni aamma AIS21-mi annertuunik sipaarniutinik inissiisoqareerneranik ataatsimiititaliap eqqummaarinnissaa pingaaruteqarpoq. Siunnersuummut nassuiaatini nalinginnaasuni atuarneqarsinnaasutut 2021-miinnaq allaffissornikkut sipaarniutit 29 mio. kr.-t ikkunneqarput. Aningaasat 2024-miinnaq 32,3 mio. kr.-nik ukiumut sipaarniutinngoriutik annertusiartortinneqassapput. Ukiut missingersuusiortusut sisamat ingerlaneranni sipaarniutit katillugit 112 mio. kr.-nik annertussuseqarput. Kisitsimmi tassani aningaasanut inatsisissatut siunnersuummi sanaartornermi aningaasaliissutit atorneqanngitsut aamma annikillineqarnikut ilanngunneqanngillat. 2021-mut aningaasanut inatsisissatut siunnersuut siullermeerinninnermi oqimaaqatigiissinneqarsimagaluarpat, ukiuni sisamani katillugit 174,7 mio. kr.-nik suli sipaarniuteqartoqarsimassagaluarpoq. Taamaalliluni aningaasanut inatsisissatut siunnersuummi ukiuni sisamani sipaarniutit katillugit 286,7 mio. kr.-t ivertinneqartussaasimassagaluarput. Sipaarniutit taamak annertussusillit innuttaasunut naapertuutinngitsumik nammakkiisinnaasut pisortat isumagissassaannik annertuumik ikillilerisariaqarnermik kinguneqartarlaqartut aningaasanut inatsisissatut siunnersuummut inississorneqarsinnaanngillat.

Nunatta Karsiata aningaasaatai pisortallu ingerlatsiviata ingerlalluurtup attannissaanik eqqummaarittumik oqimaaqatigiissitsisinnissap isumannaarinnissaa Naalakkersuisut akisussaaffigaat. 2021-mullu aningaasanut inatsisissatut siunnersuut taamatut oqimaaqatigiissitsinermut ersersitsineruvoq.

Nunap aningaasaqarnerata aqunnerani periutsinut aamma aningaasanut inatsisip ukiuni sisamani atuuffiani sinneqartooruteqarnissamik nalinginnaasumik piumasaqaatip immikkut illuinnartumik pisoqarnerani sanioqqussinnaanerani peruseq aamma ilaavoq. Taamatut eqqarsartaaseqarneq aamma missingersuutit naatsorsuutillu pillugit inatsimmiippoq, aammalu Kalaallilu Nunaanni Aningaasaqarnermut Siunnersuisooqatigiinnit isumaqatigineqarluni.

Taamatut sanioqqutsisinnaanermi Nunatta Karsiata naammattunik aningaasanik uninngasuuteqarnera, aningaasanilluunniit atugassaqaarsinnaanera soorunami tunngavissaassaaq. Tamannalu patsisigalugu Coronap aammaarluni tunillaassuuteqqilernerani Nunatsinnik eqquissagaluarpat, naammattumik aningaasanik uninngasuuteqarnissaaq siunertaralugu taarsigassarsisinnaanermut periarfissiisoqassasoq Naalakkersuisut siunnersuutigaat. Maannarpiarli taamatut taarsigassarsisinnissamut periarfissaqarnissamik pisariaqartitsineq annikinneruvoq. Maanna Nunatta Karsiata aningaasat uninngasuutai 945 mio. kr.-t missaanniipput.

Ataatsimiititaliallu matumani upernaag manna aarleqqutigineqartutulli annertutigisumik apparsimannginnera eqqummaariffigisimassavaa. Taamattaarlu akileraarutitigut ingerlaavartumik isaatitat upernaag manna apparlaatigineqartut qaangersimalerpaat. Ikiorssiisutinik assigiinngitsunik atulersitsineq Naalakkersuisullu coronamik upalungaarsimatitaasa suliniarnerat pitsaasumik ineriartornermut tassunga patsisaaqataalluinnarput.

Misilittagarillikkat tunuliaqutaralugit akileraarutinit akitsuutinilu isertitassatut missingiutit, 2020-mut aningaasanut inatsimmi missingerneqartunut qaffaqinneqarnissaat Aningaasaqarnermut Naalakkersuisoqarfiup Akileraartarnermullu Aqutsisoqarfiup pivusorslortuusoraa. Tamanna missingersuutini annertuumik pitsanngoriartitsivoq, taamaattorli tamanna aalisakkani assigiinngitsuni, matumani ingammik raajat, akiisa appariarnerannik ilaannakortumik illuatungilerneqarput. Ataatsimut isigalugu isertitassatut missingiutit allanngornerat 2021-mi 77,2 mio. kr.-nik, imaluunniit ukiuni missingersuusiorfinni sisamani 92,8 mio. kr.-nik annertussuseqartunik missingersuutitigut pitsanngoriarfiussasut naatsorsuutigaara.

Allakkiamut uunga aningaasaqarnikkut nalunaarsuiffik allannguutitik takutitsisoq ilanngunneqarpoq.

Naalakkersuisut maanna partiinik isumaqatiginninnialeruttorput, tassanilu soorunami partit naalakkersuisooqataasut siulliullugit oqaloqatigineqarput. Isumaqatiginninniamerni taakkunani siunnersuutit ukiumut 15,5 mio. kr.-nik aningaasartuuteqarfissat suussusilerneqarput, taakkulu ukiuni sisamani 58 mio. kr.-nik naleqarput. Isumaqatiginninniamerit pissutigalugit siunnersuutit taakku maannakkut erseqqinnerusumik iserfigisinnaanngilakka.

Naalakkersuisut ataanni naalakkersuisoqarfiit tamatuma saniatigut ukiuni sisamani 63 mio. kr.-nik naleqartumik suliniutissanut kissaatinik qaqileripput. Taakku ingammik peqqinnissaqarfimmi suliniutinut sukumiisunut KANUAANALLU nakkutilliinermi angallatissaanut tunngassuteqarput.

Naggataagullu angallannermut tunngasuni nutaanik sullissinissamik isumaqatigiissusiorneq tunuliaqutaralugu aningaasat illikartinneqarsimasut atugassanngortinneqarsinnaapput. Tamanna 53,7 mio. kr.-nik missingersuutitigut pitsanngoriaanermik nassataqarpoq.

Naalakkersuisut kissaatinut taakkununga inaarutaasumik suli isummersimannginnerat erseqqissaatigineqassaaq. Naalakkersuisut aatsaat aningaasanut inatsisissatut siunnersuutip aappassaaneerneqareernerani, pingajussaaneerinninnermut allannguutissatut siunnersuummut isummissapput.

Aappassaaneerinninnermut atatillugu allannguutissatut siunnersuutit saqqummiunneqartut tamarmik akuerineqarnissaat tunngavissaatillugu, kiisalu siuliani aningaasartuutissatut kissaatigineqartut tamarmik akuerineqassappata, 2021-mi 111,1 mio. kr.-nik amigartooruteqarnissaq, kiisalu ukiuni missingersuusiorfiusuni sisamani 139,9 mio. kr.-nik amigartooruteqarnissaq maanna ilimagineqarsinnaavoq.

Maannakkorplaq aningaasartuutissatut siunnersuutit siuliani taaneqartut tamarmik akuerineqarnissaat pivusorsiorlutut isiginnigilara. Taakku saniatigut aningaasanut inatsisissatut siunnersuummi sipaarniutinik suli allanik inessisoqarumaamera ilimanaateqartutut isigaara. Tassani allaffissorneq ilanngullugu. Tamannalu partiinik aningaasanut inatsit pillugu oqaloqateqaqqinnerni ilaassasoq ilimagaara.

Aningaasanut inatsisissatut siunnersuutip pingajussaaneerneqarnissaata ukiaanerani ataatsimiinnerup naaneranut kinguartinneqarnissaa ilimagineqarpoq, tamannalu pillugu Naalakkersuisut sinnerlugit piaartumik inatsisissatut siunnersuummik

saqqummiussinissara ilimagaara, tamannalu Aningaasaqarnermut Akileraartarnermullu Ataatsimiititaliap kissaatigisimavaa. Taamaaliorterlu sukumiisumik sulinissamut piffissaqalersitsivoq, tassanilu partiit isumaqatiginninniaqataasut Aningaasaqarnermullu Akileraartarnermullu Ataatsimiititaliap kissaataat ilanngunneqassapput.

Taamaammallu naggasiullugu ataatsimiititaliap sukumiisumik, ajornanngippallu konto pingaarnikkaartumik qanoq ililuni ataatsimiititaliap missingersuutitut anguniagaata anguneqarsinnaaneratul ujartugaata anguneqarsinnaaneranut siunnersuusiornissaa saqqummiukkumavara. Ataatsimiititaliap taakku isumaliutissiissumminiluunniit iserfigisinnaaval.

Siunnersiueqatigiinnissamut uunga piffissap sivikissimanera eqqarsaatigalugu, Naalakkersuisut kalaallisut qallunaatullu ataatsimiititaliamut siunnersiueqatigiinnermut allakkiamik saqqummiussisinnaasimanngilaq. Taanna kingusinnerusukkut malinnaatinneqarumaarpoq.

Inussiarnersumik inuulluaqqusillunga


Vittus Qujaukitsog

Ilanngussaq 1

	2021	2022	2023	2024	Summa
IS inernera - AIS2021	183,2	17,6	-28,8	3,3	175,3
Aappassaaneerinninnissamut AS	-2,6	-4,1	0,9	-4,1	-9,9
IS inernera – aappassaaneerinninnermi	180,6	13,5	-27,9	-0,8	165,4
Pingajussaaneerinninnissamut AS					
Isert. Miss. Allanngukkat	-77,2	-6,8	-4,5	-4,3	-92,8
Siunnersuutit aningaasartorf. isumaq.	15,5	14,5	14,5	13,5	58
Sill. atugassanngortut - 201170	-26,8	-9,2	-8,9	-8,8	-53,7
Naalakkersuisoqarfinit allanng. Siunn. allat	19	23	10,5	10,5	63
Sunniutit tamak. – AS pingajussaaneerinn.	-69,5	21,5	11,6	10,9	-25,5
IS inernera – pingajussaaneerinninnermi	111,1	35	-16,3	10,1	139,9

	2021	2022	2023	2024	Summa
Pingajussaaneerinninnissami AS					
240115 Isert. isumakkeeriikkanit isertitat	3	3	3	3	12
240612 Soraarnerussutitut tapiissutit	-1	-1			-2
241010 Nuna tamakkerlugu akileraarut	-79	-22	7	7	-87
241011 Nuna tamakkerlugu immikkut akileraarut	-7	-5	-5	-5	-22
241110 Eqqussuinnermi akitsuutit	-13	-9	-4	-4	-30
241112 Raajanut akitsuut	26,3	26,2	-3,4		49,1
241114 Naqitsinnermi akitsuut	-5	-5	-5	-5	-20
241115 Eqquiniaanermi akitsuut	-0,5	-0,5	-0,5	-0,5	-2
241117 Automatinut akitsuut	1,2	1,2	1,2	1,2	4,8
241122 Suliffeqarnermi akitsuut	-3,3	-1	-1	-1	-6,3
241125 Qaleralinnut akitsuut	-5,1	-3,1	-4,4		-12,6
241126 Aalisak. ikerinn. akitsuut	6,2	9,4	7,6		23,2
Isertitassatut missingiussat allannguutaat katillugit	-77,2	-6,8	-4,5	-4,3	-92,8
Ass. Siunn. aningaasartorf. Isumaqatig.	15,5	14,5	14,5	13,5	58
201170 Aningaasartuutikinneq sull. isum.	-26,8	-9,2	-8,9	-8,8	-53,7
510105 KANUAANA- naliliineq	0,5				0,5
800001 (angallat KANUAANA)	12,5	12,5			25
341103 Meeq. Inuusutt. psykiatri	3,5	3,5	3,5	3,5	14
341103 Sanami piartortunut sullissisut	2,5	7	7	7	23,5
	7,7	28,3	16,1	15,2	67,3

Ilanngussaq H



Aningaasaqarnermut Naalackersuisoq ~/ Maani

Ulloq: 16. november 2020

J.nr.: 01.31.11-00020

Naalackersuisut 2021-mi aningaasanut inatsisissatut siunnersuutaat

1. Aallarniut

Ataatsimiititaliap 10. november 2020-mi apeqqutaanut Naalackersuisut akissutaasa tigoreer-neranni 2021-mi aningaasanut inatsisissatut siunnersuummut apeqqutit nutaat ilassutaasut Aningaasaqarnermut Akileraartarnermullu Ataatsimiititaliamit matumuuna nassiunneqarput. Apeqqutit ataatsimiititaliap missingersuutit pillugit Uummannami september 2020-mi isumasioqatigiinnerani aningaasanut inatsisissatut siunnersuummut tamarmiusumut Aningaasaqarnermut Ataatsimiititaliap misissuinerata kingorna apeqqutigineqartunut ilassutaapput.

10. Apeqqutinut ilassutit

10.1 Ataatsimoortumik tapiissutit pillugit kommuninik isumaqatigiinniarnert pillugit

- Ataatsimoortumik tapiissutit pillugit kommuninik isumaqatigiinniarnert tigussaasumik qanoq ingerlanneqarpat?
- Isumaqatigiinniarnert kommuninut ataasiakkaanut qanoq kinguneqassappat?
- Akinik akissarsianillu iluarsissuteqannginneq kommuninut ataasiakkaanut qanoq kinguneqassava? Tamanna aamma ingerlatseqatigiiffiit akileraarutaannik allannguinnermut kiisalu sulinnermut ilanngaammut atuuppoq?
- Sanaartugassatut suliniutit pillugit kommunit pilersaarutaat sumut killippat?

Aningaasanut inatsisip oqimaqatigiiffiunissaanik piumasaqaat pillugu

Aningaasanut inatsisip aappaagu minusimiinnginnissaanik Aningaasaqarnermut Akileraartarnermullu Ataatsimiititaliap piumasaqaataa Naalackersuisunit malinneqarsinnaanngitsoq tusagassiorfinni ulloq 16. november 2020-mi allassimavoq. Tusagassiorfinnut nalunaarummi allassimavoq Aningaasaqarnermut Akileraartarnermullu Ataatsimiititaliap naaperialaarnissaanut Naalackersuisut piareersimasut. Naalackersuisulli oqarsinnaanngillat qanoq annertutigisumik, ataatsimiititaliali piumasaqaataa qaninneralaaarsuullugu oqaatigaat.

- Naalackersuisut oqariartuutaat siuliani allassimasoq itisilerneqassasoq ataatsimiititaliamit kissaatigineqarpoq. Tamanna ima isumaqarpa ulloq 8. november 2020-mi siunnersuinnermi nalunaarutigineqartumit annertunerusumik pingajussaaneerinninnissamut allannguutissatut siunnersuutininik Naalackersuisut saqqummiussilersaartut?

10.3 Nunani allani taarsigassarsiniarnissamut pisariaqartitsineq pillugu

Aningaaserivinni taarsigassarsiniarnissamik – aamma aappaagu aningaasanut inatsit amigartoorfiussagaluarpalluunniit - Naalakkersuisut pilersaaruteqanngitsut tusagassiorfinni ulloq 16. november 2020-mi allassimavoq.

Nunani allani aningaasanik amerlasuunik taarsigassarsiniartariaqarnerup immaqa pisariaqarunnaarsimanagera ataatsimiititaliamit pitsaasutut isigineqarpoq. Namminersorlutik Oqartussat sinnerlugit 1,5 mia. kr.-it tungaannut Aningaasaqarnermut Akileraartarnermullu Ataatsimiititaliamit akuerineqartunik taarsigassarsiniarnissamut piginnaatinneqarnissartik Naalakkersuisut kissaatigigaat 2021-mut aningaasanut inatsisissatut Naalakkersuisut siunnersuutaanni allassimavoq. COVID-19-ip 2020-mi Nunatta Karsianut annertuumik aningaasartuuteqartitsisup, tamatumalu peqatigisaanik Nunatta Karsiata isertitassaatur missingersuutigineqarlutik naatsorsuutigineqartut ajorseriarnernannik pilersitsisup, nassatarisaanik piginnaatitsissuttip taassuma ilanngunneqarnissaa Naalakkersuisut kissaatigigaat.


- a) Oqaasertaliussap taarsigassarsinissamut periarfissiisup aningaasanut inatsisissatut siunnersuummit peerneqarnissaata qinnutigineqarnissaanik tamanna kinguneqassanersoq paasissutissiissutigineqassasoq ataatsimiititaliamit kissaatigineqarpoq.
- b) Taarsigassarsinissap pisariaqarunnaarnera aningaasanut inatsimmut allanik kinguneqassanersoq paasissutissiissutigineqassasoq ataatsimiititaliamit aamma kissaatigineqarpoq.
- c) Kiisalu coronap maanna atuunnerata qanoq annertutigisumik sunniuteqarnissaata sivisussuseqarnissaatalu nalornissutaajunnaarnerannik tamanna aamma isumaqarpa?

Naalakkersuisut akissuteqarnissaat ataatsimiititaliamit qilanaarineqarpoq. Tassunga atatillugu apeqqutinut siuliani allassimasunut akissutigisamik siornagut apeqqutit oqaaseqaatillu akissuteqarfigineqartut Naalakkersuisut (naatsumik) issuartassagaat ataatsimiititaliamit qinnutigineqassaaq.

Allakkiamut matumunnga akissut piaarnerpaamik Aningaasaqarnermut Akileraartarnermullu Ataatsimiititaliamit tiguneqartussanngorlugu kalaallisut danskisullu kiisalu elektroniskimik saam@inatsisartut.gl-imut nassiuteqquneqarpoq. Taarsiullugu akissuteqaat siunnersuutip aappasaaneerneqarnissaanut Naalakkersuisut akissuteqaataannut kingusinnerpaamik ilanngunneqarsinnaavoq.

Allakkiaq una aamma elektroniskimik oedfu@nanoq.gl-imut nassiunneqarpoq.

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua